

Eusko Jaurilaritzako buruak Madrilentzako «morrontzan» ari dira HBk salatu duenez / 5



Bakerrek negoziatzen hasteko bi asteko epea eman die arabiar eta israeldarrei / 17



Gaur beteko dira hamabost urte Fernando Aire 'Xalbador' hil zela / 22-23

Egunkaria

EUSKALDUNON

Osteguna, 1991ko azaroak 7 / II. urtea / 286. zenbakia / Salneurria: 75 pta. / 4,5 libera

SASKIBALOIA

Taugres garaile

Korac Kopako kanporaketa gainditu du Taugres Baskoniak, atzo Araba Pabilioian Stuttgart talde alemaniarrari 90-74 irabazi ondoren. Joaneko partiduan ere gasteiztarrek nagusitu ziren, eta ondo jokatu ez arren hurrengo kanporaketarako txartela lortu dute. / 20

Madrileko bileratik esku hutsik itzuli dira Jon Azua eta Xabier Arzalluz

Euskal Autonomi Elkartetik Madrileko Gobernuak Industria eta Ekonomia ministroekin hitzegitera joandako ordezkariak esku hutsik itzuli dira. Hala aitortu zuten atzo prentsaren aurrean Jon Azua lehendakariorde eta Industria sailburuak eta Xabier Arzalluz EAJko lehendakariak.

Azken hilabeteetako harreman falta hautsi dela esan zuten eta biek nabarmendu nahi izan zuten Madril eta Gasteizen artean negoziatzen segitzeko bidea zabalik gelditu dela. Horri garrantzi berezia eman zioten EAJko ordezkariak, «puntu amankomunak badaudelako», esan zuten. Alternatiba eta iritzi ezberdinak eztabaidatzeko «borondatea» bada goela esan zuten Azuak. Plangintzetan aldaketak egitea posible izan daitekeela adierazi zuten baita ere lehendakariordeak atzo Bilbon egindako agerraldian.

Madrileko Gobernuak ez du onartu Eusko Jaurilaritzak altzairu bereziki sektorerako prestatutako plan-

gintza. Herenegun UGT eta CCOO sindikatuak esan zuten bezala, sektoreko plangintzen kontrako jarrera agertu zuen Espainiako Industria ministroak. Arzalluz eta Azuak atzo argitu zuten, gainera, Madrilek ez dauka epe laburrean EAEn inbertsiorik egiteko proiekturik.

Siderurgiaren gaia datozen bileretan eztabaidatzeko utzi zuten «AHVri buruzko erabakirik ez baita hartuko sei hilabete barru arte», azaldu zuten Azuak.

Acenorrekin Euskal Herrian dituen bost lantegietako langileek lau orduko greba egingo dute gaur. «Enpresaren komenioan aurrerapausurik eman ez delako eta Sidenorrekin Acenorentzako prestatu duen Bideragarritasun Plangintzari kontra egiteko», egingo dute greba langileek. «Mobilizazioak baretzeko» egin dien deialdiagatik gogor kritikatu zuten langileek Jaurilaritzako Barne Saila. Gaur, lana uzteaz gainera, protesta ekintzak egiteko asmoa dute. / 11



Bi mila lagun hil dira gutxienez

Filipinetan herenegun pasa zen 'Telma' tifoia eragindako erauntsi eta uholdeen ondorioz. Eskualderik kaltetuena Manilatik 570 kilometrora dago —argazkian ikus daitekeen Ormoc hiria—. 600 gorpu bildu dituzte ospitaleetara eta ehundaka gorpu


ari dira ur gainean azaltzen. Han egindako kalteak baino ez dira ezagunak oraindik. Agintariak atzo jakin erazi zuten, kaltetutako gainontzeko eskualdeekin komunikazioa lortzen dutenean hildako gehiagoren berri izan dezakete. Aurten Filipinetako artxipielagoa jo duen hamazazpigarren tifoia da 'Telma'. / 18

Lau ertzain hil ziren Eibarren istripuz

Lau ertzain hil ziren istripuz atzo arratsaldean Eibarren, beren kotxea A-8 autopistan zihola bidetik irten, hesia hautsi eta zubitik behera berrogeitamarren bat metro erorita. Kotxean ziholan bostgarren ertzaina larri zaurituta eraman zuten eritexera.

Ertzaintzaren lehenengo hipotesien arabera, ezbeharra bidean zegoen olio mantxa batek eragin zuen. Kotxea bertatik pasa eta irristatu egin zen antza, gero Ego errekarara erortzeko. Bizkaitik Erreteriarantz zihola zen istripua gertatu zenean.

Hildako laurak Erreteriarako komisaldegian egiten zuten lan, eta bizkaitarrak ziren. Garbiñe Azpiolea —23 urtekoa— eta Roberto Peña —24 urtekoa— Trapagarangoak ziren, Adrian Martinez —22 urtekoa— sestaoarra zen, eta Julian Plagaro —29 urtekoa— barakaldotarra. Zauritua gelditu den hogeitabederatzi urte dituen Juan Jose Alonso, Muskizkoa da. / 10



Ertzainak zihola kotxea txiki-txiki eginda gelditu zen.

JOSE MARI URIBARRI

NATO sendotzearen aldeko agertuko da Frantzia Erroman

Oraindik orain Europako Armadaren proiektuaren defendatzaile agertu den arren NATOren iraupena ezinbestekoa ikusten du Frantziak. Gaur Erroman hastekoa den NATOren bileran, bloke militarra osatzen duten hamasei herrialdeen arteko harremanak estutzera jo behar lukete Frantziako Gobernuaren iritziz. Varsoviako Hitzarmena osatzen zuten herrialdeekiko harremanak ere sendotu nahi ditu Frantziak. / 13

Sumarioa itxi eta epaiketaren zain Brouard kasua / 4

BESTERIK

G I Z A R T E A

Ikastoletako Mahaia biltzeko deia egin dute LAB eta ELA sindikatuek / 7

E S T A T U A K

Espainiako Aire Armadako kideen % 81 Armada profesionalaren alde / 14

N A Z I O A R T E A

Soviet Batasuna negu gorriari aurre egiteko prestatzen hasi da / 16

K I R O L A

Galarza-Eugi lau t'erdiko finalerdia airean Labrit Udaletxeak hartua zuelako / 21